

PRIJEDLOG

Na osnovu člana 143. stav 2. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09) i člana 152. stav 2. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08) Predstavnički dom Parlamenta Federacije Bosne i Hercegovine, na sjednici održanoj 2017. godine i Dom naroda Parlamenta Federacije Bosne i Hercegovine na sjednici održanoj 2017. godine, d o n i o j e

O D L U K U **O DAVANJU SAGLASNOSTI NA IZVJEŠTAJE O RADU** **ZAVODA ZA TRANSFUZIJSKU MEDICINU** **FEDERACIJE BOSNE I HERCEGOVINE** **ZA 2016. GODINU**

I

Daje se saglasnost na izvještaje o radu Zavoda za transfuzijsku medicinu Federacije Bosne i Hercegovine za 2016. godinu, i to:

- a) Izvještaj o radu Zavoda za transfuzijsku medicinu Federacije Bosne i Hercegovine za period januar – decembar 2016.godine;**
- b) Izvještaj o finansijskom poslovanju Zavoda za transfuzijsku medicinu Federacije Bosne i Hercegovine za period 01.01.-31.12.2016.godine;**
- c) Izvještaj o radu Upravnog odbora Zavoda za transfuzijsku medicinu Federacije Bosne i Hercegovine za 2016.godinu i**
- d) Izvještaj o radu direktorice Zavoda za transfuzijsku medicinu Federacije Bosne i Hercegovine za period januar – decembar 2016.godine.**

II

Izvještaji iz tačke I ove odluke nalaze se u prilogu ove odluke i čine njen sastavni dio.

III

Ova odluka stupa na snagu narednog dana od dana objavljivanja u „Službenim novinama Federacije BiH“.

Broj:

Datum:

Predsjedavajuća
Doma naroda
Parlamenta Federacije BiH

Predsjedavajući
Predstavničkog doma
Parlamenta Federacije BiH

OBRAZLOŽENJE
Odluke o davanju saglasnosti na izvještaje o radu
Zavoda za transfuzijsku medicinu Federacije Bosne i Hercegovine
za 2016.godinu

I – ZAKONSKI OSNOV

Zakonski osnov za donošenje ove odluke sadržan je u članu 143. stav 2. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09) i članu 152. stav 2. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08).

II - RAZLOZI ZA DONOŠENJE

Na osnovu odredbi Zakona o zdravstvenoj zaštiti („Službene novine Federacije BiH“, br. 46/10 i 75/13) i Statuta Zavoda za transfuzijsku medicinu Federacije Bosne i Hercegovine (Službene novine Federacije BiH, broj 70/13) Zavod za transfuzijsku medicinu Federacije Bosne i Hercegovine izradio je izvještaje o radu za 2016. godinu, koja se putem Federalnog ministarstva zdravstva dostavljaju Vladi Federacije Bosne i Hercegovine na razmatranje, a Vlada Federacije Parlamentu Federacije BiH, na razmatranje i davanje saglasnosti (saglasno članu 53. stav 2. Zakona o zdravstvenoj zaštiti).

Bitno je istaći da je navedene dokumente Upravni odbor Zavoda za transfuzijsku medicinu Federacije Bosne i Hercegovine razmatrao i usvojio, a relevantne odluke o tome nalaze se u prilogu svakog pojedinog izvještaja.

Također, treba ukazati da je članom 53. stav 2. Zakona o zdravstvenoj zaštiti propisano da je Federacija Bosne i Hercegovine osnivač zavoda iz člana 43. stav 1. istoga Zakona, a što se odnosi i na Zavod za transfuzijsku medicinu Federacije BiH. Radi se o ustanovi koja obavlja transfuzijsku djelatnost, što podrazumijeva obavljanje stručnih i naučno-istraživačkih zdravstvenih funkcija iz okvira prava i dužnosti Federacije Bosne i Hercegovine. Slijedom toga, Zavod za transfuzijsku medicinu Federacije BiH odgovara za svoj rad i poslovanje osnivaču, tj. Federaciji Bosne i Hercegovine, te u okviru svojih obaveza prema osnivaču dostavlja na saglasnost niz važnih dokumenata od značaja za rad i poslovanje Zavoda, uključujući i izvještaje o radu Zavoda za svaku kalendarsku godinu.

III - OBRAZLOŽENJE

Tačkom I Odluke daje se saglasnost na izvještaje o radu Zavoda za transfuzijsku medicinu Federacije Bosne i Hercegovine za 2016. godinu, i to:

- a) Izvještaj o radu Zavoda za transfuzijsku medicinu Federacije Bosne i Hercegovine za period januar – decembar 2016.godine;
- b) Izvještaj o finansijskom poslovanju Zavoda za transfuzijsku medicinu Federacije Bosne i Hercegovine za period 01.01.-31.12.2016.godine;

- c) Izvještaj o radu Upravnog odbora Zavoda za transfuzijsku medicinu Federacije Bosne i Hercegovine za 2016.godinu i
- d) Izvještaj o radu direktorice Zavoda za transfuzijsku medicinu Federacije Bosne i Hercegovine za period januar – decembar 2016.godine.

Tačkom II Odluke definirano je da su izvještaji o radu iz tačke I sastavni dio ove Odluke i da se nalaze u prilogu.

Tačkom III Odluke predviđeno je da ista stupa na snagu narednog dana od dana objavljivanja u „Službenim novinama Federacije BiH“.

IV - FINANSIJSKA SREDSTVA

Za realizaciju ove odluke nisu potrebna dodatna izdvajanja sredstava iz Budžeta Federacije BiH.